



Inatsisartut aalajangiiffigisassaattut siunnersuut Naalakkersuisut peqquneqassasut, Kalaallit Nunaannut aqqusinikkut angallannermut inatsi allanngortinnissaa pillugu Rigsmyndighed-mut saaffiginnissasut, qamuterallannut ingerlatsisinnanermut 16-nik ukioqarsimanissamut inissineqarnissaanik.

(Inatsisartunut ilasortaqaq Jens-Frederik Nielsen, Demokraatit)

(Siullermeerneqarnera)

Demokraatit Inatsisartunut ilasortaataitaanut Jens Frederik Nielsen-imut siunnersuummut pitsaasumut qujanaq.

Demokraatit isumaqarput, pissusissamisoortoq qamuterallannik ingerlatsisinnanermut ukiut 16-nik ukioqarsimanissamut appartinneqarpat. Kalaallit 16-nik ukiullit inuusuttuupput akisussaassusillit, tamakkiisumik isumannaatsumik akuerineqarsinnaasumillu aquuterallannik ingerlatsisinnaasut.

Pingaartuuvoq, uagut qinikkat inuusuttunut takutissallugu, tatiginninnerput. Siunnersuutip uuma akuerineratigut tamanna takutissavarput.

Qamuterallannik ingerlatsineq Kalaallit Nunaata nutaaliaasup ilagiinnarpaa. Qamuterallat piniarnermi, pingortitami misigisassarsiormi sunngiffimmilu sulinermi atorneqartarput. Taakku aamma pissutigalugit pissusissamisoorpoq, 16-inik ukioqarluni qamuterallassinnaalernissap akuerisanngortinnissaa.

Siunnersuut akuerineqartussatut innersuunneqarpoq ataatsimiititaliamullu attuumassutilimmut suliareqqinneqarnissaa innersuussutigineqarluni.